

४१. कोटिशिलातीर्थकल्पः ।

- नमिअ जिणे उवजीविअ वक्काइं पुबपुरिससीहाणं । कोडिसिलाए कप्पं जिणपहसूरी पयासेइ ॥ १ ॥
- 15 इह भरहखित्तमज्जे तित्थं मगहासु अत्थि कोडिसिला । अज्ज वि जं पूइज्जइ चारण-सुर-असुर-जक्खेहिं ॥ २ ॥
 भरहद्धवासिणीहिं अहिट्ठियादेवयाहिं जा सययं । जोअणमेगं पिहुला जोअणमेगं च उस्सेहो ॥ ३ ॥
 तिक्खंडपुहविपइणो निअं परिक्खंति बाहुबलमखिला । उप्पाडिअ जं हरिणो सुरनरखयराण पच्चक्खं ॥ ४ ॥
 पढमेण कया छत्तं बीएणं पाविआ सिरं जाव । तइएणं गीवाए तओ चउत्थेण वच्छथले^१ ॥ ५ ॥
 उअरंतं पंचमएण तह य छट्ठेण कडियडं^२ नीआ । ऊरूपज्जंतं^३ सत्तमेण^४ उप्पाडिआ हरिणा ॥ ६ ॥
- 20 जाणूसु अट्ठमेणं नीआ चउरंगुलं तु भूमीओ । उद्धरिआ चरमेणं कन्हेणं वामबाहाए ॥ ७ ॥
 अवसप्पिणिकालवसा कमेण हायंति माणवबलाइं । तित्थयराणं तु बलं सबेसिं होइ इगरूवं ॥ ८ ॥
 उप्पाडेउं तीरइ जं बलवंतीए सुहडकोडीए । तेणेसा^{१०} कोडिसिला इक्खेणावि हरिणा उ ॥ ९ ॥
 चक्काउहोत्ति नामेण संतिनाहस्स गणहरो पढमो । काऊण अणसणविहिं कोडिसिलाए सिवं पत्तो ॥ १० ॥
 सिरिसंतिनाहत्तिथे संखिज्जाओ मुणीण कोडीओ । इत्थेव य सिद्धाओ एवं सिरिकुंथुत्तिथे वि ॥ ११ ॥
- 25 अरजिणवरत्तिथंमि वि बारससिद्धाओ समणकोडीओ । छक्कोडीओ रिसीणं सिद्धाओ मल्लिजिणत्तिथे ॥ १२ ॥
 मुणिसुव्वयजिणत्तिथे सिद्धाओ तिन्नि साहुकोडीओ । इक्का कोडी सिद्धा नमिजिणत्तिथेऽणगाराणं ॥ १३ ॥
 अन्ने वि अणेगे तत्थ महरीसी सासयं पयं पत्ता । इह कोडिसिलात्तिथं विक्खायं पुहविवलयंमि^{११} ॥ १४ ॥
- पुवायरिएहिं च इत्थ सविसेसं किं पि भणियं । तं जहा—
 जोअणपिहुला यामा दसन्नपव्वयसमीवि कोडिसिला । जिणछक्कत्तिथसिद्धा तत्थ अणेगाउ मुणिकोडी ॥ १५ ॥

वस्तुपाल-तेजःपालमन्त्रिकल्पः ।

७९

- पढमं संतिगणहरो चक्काउहोऽणेगसाहुपरिअरिओ । बत्तीसजुगेहिं तओ सिद्धा संखिज्जमुणिकोडी ॥ १६ ॥
 संखिज्जा मुणिकोडी अडवीसजुगेहिं कुंथुनाहस्स । अरजिणचउवीसजुगा बारसकोडीओ सिद्धाओ ॥ १७ ॥
 मल्लिस्स वि वीसजुगा छकोडि । मुणिसुव्वयस्स कोडितिगं । नमित्तिथे इगकोडी सिद्धा तेणेस कोडिसिला ॥ १८ ॥
 छत्ते सिरंमि गीवा वच्छे उअरे कडीइ ऊरूसु । जाणू कहमवि जाणू नीया सा वासुदेवेण ॥ १९ ॥
 इअ कोडिसिलात्तिथं तिहुअणजणजणिअनिव्वुआवत्थं । सुरनरखेअरमहिअं भवियाणं कुणउ कल्लाणं ॥ २० ॥ ५

॥ इति श्रीकोटिशिलातीर्थकल्पः ॥

॥ अं० २४, अ० ६ ॥

1 B गोअलिआ । 2 C पणही । 3 C निरुपम° । 4 C बासेट्ठ । 5 P नास्ति 'पूआ'; B Pa पूजा । 6 Pa वच्छथले; B वत्थथले । 7 Pa कडिअं नीया; B कडिअ नीयाऊ । 8 Pa D °पज्जंते । 9 B सत्तमो । 10 B C तेणं सा । 11 B वलयंति ।

1 Pa छत्तीस° । 2 Pa नास्ति; B चन्द्रपात्मज । 3 B चन्द्रप्रसा° । 4 C 'विभूति' नास्ति ।